

GBCLINK

TEACH, ENTRUST & WITNESS

VOL. VII | NO. 01 | SPRING SEMESTER 2017

Principal's Message

“Khovel tengteng ah pai unla, thilsiam tengteng kiang ah Tanchinhoih hilh un” (Mk 16.15)

Thumasa:

Tulai khovel bildoh, “Mars Mission, 2024” ahi. Khovel a misiamte (scientistte) kipawlkhom te’n ‘Ozone layer’ kek, nisa-vuahzuk ginalou hiaihai, zinling-tangkang leh huihsia-hiipi ziak a khovel tenna taklou in a thei uhi.

Hiai khovel bang a mihing khosak theihna ding Mars ah om ding in a gingta uhi. Kum 2024 chiang in huai a mihing khosakna ding ngaihtuah a kuan sawm ‘NGO Mars One’ hiam ‘Mission Mars 2024’ chih ahi.

Pathian Mission: Pa, Tapa leh Khasiangthou in leitung pianchil a kipan project khat a nei ua, “*Mangthangte zawng a Hotdam*” ding ahi. Eden huan a, “*Adam koi a om na hia?*” a chih Pathian Mission phuankhiakna ahi. Pathian lungtang puakkham apan a kahtam lohna leh kha khasia kikou ahi (**Gen 3.8**). Itna leh lainatna kampau ahi. Amaute zonkhiak, hotdam leh Tangtawn a tenkhawmpih ding lampi gelsak Pathian Missions ahi.

Jesu Khrist Mission:

Jesu Khrist khovel a ahongpai in Mission dang a neikei hi. Pa Pathian Missions mah nna lianpen in a nei hi. Damloute hihdam, misite kaithou, phakte hihdam leh siangthou sak in, thillamrang chiteng ahih hi. Salam damna panson a mite’n Jesu a gintak theihna ding un ahi. Khalam damna ding in Kros leh sihna a poimawh ziak in Jesu Khrist

Kros ah “*Pa, amaute ngaidam in, a thilhuh uh a theikei ua ahi*” chi in hon ngetsak hi.

Khasiangthou Mission:

Jesu Pa kiang a apai nung a gingtute a sung a teng dia honsawl Khasiangthou ahi. Pentikost ni in Khasiangthou a hongtung hi. Aman khelhna thu, diktatna thu, vahawmna thu ah khovel siamlouhdan a theisak (phoulak) hi. Mikhial kiske kiang ah hondampa, Jesu kawkmuhi. Jesu sangte piangthak sak in a sung uah teng hi. Jesu Khrist tatna ni a ding in gingtute chiamtehna ahi.

Thukhitna:

Simtu it, khovel ah bang thupipen in na ngaihtuah a? Inn leh lou, hauhsakna, laisiamna leh minthan-na, thuneihna leh lalna na chi ahi maithei hi. Khovel a omden ding hilehang huaite poimawh mah e! Sihna vansawltak in na inn hongyeh ding a, ut in utkei le chin, khovel na nutsiat ni hongtung ding hi. Pa, Tapa, leh Khasiangthou Mission tangtawn kipahna lungkimna hon pe thei omsun ahi. Hun na neihlai in thum in, pia inla kuan in.

- Rev. V. Khamvum, Principal, GBC

SINTU NAUPANG CHAWMNA PE TE (JUNE 2016 - MAY 17, 2017)

1	Vungzamuan Valte	1,000.00
2	MTBC	500.00
3	Mrs.Chiinngaihlun	500.00
4	V.Kamhau	500.00
5	V.Khaisuanthang	500.00
6	Jire Hnunglelkim	500.00
7	Mrs.Lalzirtir	500.00
8	Mrs.Manhoihching & Family	500.00
9	Mrs.Mankhodon	500.00
10	Ningkhoman	500.00
11	Pumzavung	500.00
12	Mrs. Manngaihnem	1,000.00
13	Mr & Mrs. K.Paubiaklun	1,000.00
14	Pastor E.Chinzamang & Family	500.00
15	Mrs. Ninglanching	500.00
16	Nu Manngaihching	1,000.00
17	N. Nengkhanchin	500.00
18	TBMC	500.00
19	Haugouching	500.00
20	TBMC, EBCC Bungmual	1,000.00
21	TBMC	500.00
22	Goungaihlun	500.00
23	Ei-Pawl C/o Upa Paukhansuan	1,000.00
24	Upa K.Vungzamawi	500.00
25	Upa J.Kaikhanmang Guite	1,000.00
26	T. Thanghnun & Family	500.00
27	Chingzamngai & Family	500.00
28	Tualkhanthang & Family	500.00
29	Upa K.Thangzalun & Family	500.00
30	Upa Biakkhanmang & Family	500.00
31	Rev. G.Kamzamuan & Family	500.00

- UPA THIANKHANMANG TONSING & FAMILY IN STUDENT KAT CHAWM.
- NGAPZAH PETE HIAI AH KITUANGSAKLOU A ACCOUNTANT KIANG AH ETTHEIH DING HI.



TESTIMONY**ROBINSON TERON**

Min tengteng lak a min manpha penpen Jesu Khrist minin chibai kon buk hi!



Ka min Robinson Teron ahi. Assam a EBC Mission Field Karbi Anglong a hong kipan ka hi. Tulel in B.Th. Illyr ka zillel hi.

KA HINKHUA MASA LAM:

Kei, Rongali kichi kho neuchik a hong kipan, Kristian Innkuan gentheitak akipan ka hi. Sanggam pasal nih leh sanggam numei li ka nei a, ka innkuan un mi giat ka pha uhi. Ka unau lak uah kei a upapen ka hi. Ka pa min Upa Longsing Teron ahi a, ka nu min Kanam Hansepi ahi. A nihtuak un Kristian piangthak diktak, hoihtak ahituak ua, tualsung saptuam ah a kihahzat mahmah tuak uhi. Amau hoihtaka ahon etkolna nuaia khangkhia ka hi. Nitengin, dakkal teng chih dingin, hun a muh tengun Pathian thu in ahon vak uhi. Himahleh kei bel mi genhakpi khat ka hi a, pawl guk tan mission school ah ka sin hi. High School bel Kumpi School ah ka kai hi.

DAMSUNGA KA THILTUP:

Innkuan khosa haksatak mai a khanglian ka hih dungzui in ka hinkhua ah haksatna, gimthuakna leh gentheihna chiteng ka thuak hi. Tuabang ahihmanin, khatveitei mi laisiam leh hausia hih ding tup in ka nei hi. Bible zil ding chih himhim ngaihtuah khak in ka na nei ngei kei hi.

KA HINKHUA AH KRIST:

Kristian innsung apan khangkhia, nulepa ten niteng, huntenga Pathian thu a hon vak ban uah, School a Devotion leh Nipi Skul a Pathian thu sinsak a om den himahleng, hot-damma ka na ngaihsak kha kei him him hi. Himahleh, kum 2008 in, sawltak khat akipan Tangthupha ka za a, Pathian zahngaihna mangtutphah ka naih a, Jesu tuh keimah mimai Toupa leh Hondampa in ka sang hi. Huai ni akipan Toupa toh kithuahna leh a thu sim nuam ka honsata hi. Saptuam ah nakpitak in ka kizanga, thiapiak lam ah leng ka hahpan mahmah hi. Hinapi in, khemna leh haksatna tampi petmah ka tuak hi. Ka mangngilh ngeilouh ding ka damsunga ka thiltuah haksaa leh hon lungkesak ngoihngoih tuh ka innsung ua damlouhna thupitaktak ka tuahte uh ahi. Tuate laki a khat tuh ka pa damlouhna ahi. A damlouhna a khawk petmah a, kum 8 a daih hi. Damlou den ta ding, damkhe zou nawnlou ding in ka kohi hi. Amah etkolna dingin ka neih ka lam tengteng uh ka zuakkhe vek ua, himahleh a phatuam tuan kei hi. Vangphathuai takin, Pathian in amah hunseh ah ka pa a hiidam hi. Ka tungah Jesu ahoih tawntung den lai hi.

BANG IN LAISIANGTHOU HON SINSAK:

Mission school khat a ka seplai in Pathianin ka kiangah thu agen hi. A ziakte hiaite ahi: 1. Ka damsung teng Pathian nnasem ut ka hihmanin, Pathian thu tamsem theih ka ut hi. 2. Ka tanaute a tamzawtham Kristian a hikai uhi. Ka sahkhawlui uah a om ua, huai paidan azui lailai uhi. Amaute Khrist khebul a pilut ka ut hi. 3. Mission field te ah nasep ding zohlouh a nak tamlawlai hi. Karbi mi Tangthupha za

Editorial

Tu Kum 2017 Spring Semester a leng GBC Link suahthei nawn dia Pathianin ahon makaih ziakin amah tungah amasapen in kipahthu igen hi.

Tu semester hi a dangte toh a kibat hetlouna ahun khop a om hi. Winter vacation I lut uh kha, Principal thak liklek neiih I lut uhi. Huchi a hong jointa vanglak a tompenin Semester khat tawsuakbek pang nalou ding hia ichih laiin, hun tomchik sungin Principal thak I nei nawn uhi. I luttung ua I Principal uh Rev. S.Gimnalsawm, Dorcas Hall a Director khat ahi. Kha khat valzek ahon makaih nungin ahon nusia hi. Amah zohin Rev. V. Khamvum in Zomi Namni, February 20, 2017 jinglam dak 7 velin Grace Bible College a Principal dingin join hi. Huaiziakin, Tu semester in Principal nih mel I mu hi. Tuabanah, tutung semester kum dang abat louhna nawn tuh, student thak admission I bawlouh uh ahi. Hiae hi Staff Meeting deihna, Board of Governors in a lemsakpihna a kihih ahi. Hiae hi Asian Theological Association deihna banah, lemtangzaw ding ahihziak ahi. Tuabanah, tutung semester leh a dangte kibatlouna nawn tuh, tu semester in kum danga om gige Mid-term exam inei kei uhi. Mid term exam dia theihtawp a laisim a kisakkholh phatuam mahmah himahleh, class I neih mah leng hoihsakna lianpi a kinehziak ahi. Hiae paidan kikhengten a hoihlama ahon sep i lamen hi. Huan, semester khat a sports week nipikal khat bang kimawlina dia hun I zatsek uh leng, tutungin kizanglou hi. Fall semester lama zatsek ahihziak ahi.

Tu semester in buaina tuamtuan ziaka total shutdown omte ziakin, a kigawmin nipikal khat sung hu ding class nei theilou in I om uhi. Himahleh hiae ziaka course zouzoulou I om hial uh I gingta kei hi. Huan, tu semester sungin kumpi lamah MLA election ahong om a, hiae in ahon sawiling mahmah na a om. EBC Saptuam pumpi in Diktatna ngai poimoh a, kumnih mahmah a kizom a saptuam pumpi thupi dinga I neih lai un, tutung kitelna ah Diktatna kichi nawlkhin phot, koihhoih phot a om a bang. Election Commission of India te danbawlte ahi bangtaka zuih a tuh kuamah chin theih ding vual hilou ahi mai thei. Diktatna ngai poimoh leh ngai poimohlou kikal kigamla

mahmah a muh in a om. Bangchik chinngin ei gamah leng, sumlepai a kilei chih omlou, kivaulau chih omlou, michih in mahni deihtel bangtak chiata kitelna sai hun ahontung dia? ahon chisak.

Studentte Pratical ministryte a tangpi in summer vacation sung ahih ziakin, tutungin practical ministry report ding omlou hi. Tu semester sungin Board of Governors makaih in, student scholarship ding leh college promotion danin, BOG membete makaihna nuaiah, staff nih hiam zel in zui in saptuam verna kineia, lohching leh gahsuh dingin I lamen hi. Tu semester in Heutupa Lalchungnung in mun dangah hon kituankhiak san a, amah mun ah Heutunu Ngaimuanvung in hong join a, amah tu semester a heutu thak i neih uh ahi. Huan, tu semester a hong join thak heutu dangkhat ahihleh Rev. Dr. M. Khamkhanchin ahi. Amah EBC Saptuam mizat mahmah, hichikamma, pawldang danga kizang ahi a, amah hi export quality heutu khat ahi. Aman ahon joinna ah GBC a dingin nakpitakin hamphathuai hi.

Rev.Dr.Luaichinthang
Editor ●●●



nailou a nak tamlawlai uhi. A za nailoute zaksakna dingin Missionary nasep ka ut hi.

BIBLE ZILNA A HAKSATNA KA TUAH KHENKHATTE:
 Thupukna bawl haksa kasa petmah hi. Ka nulehpa a vaktu ding a om het kei hi. Kumpi a sepnna nei ka om kei ua, lou nasep lel a kivak ka hi uhi. Ka innkuan khosa uh a haksa petmah hi. Ka pa damlounha in leng ahon ne kanggai zou mahmeh hi. Sum ka nei nawn hetkei uhi. Ka pa damloupi nusia in, ka ginna masuanin Manipur lam manoh in ka hong zinkhe mawk hi. Haksatna leh lungkumlounhate in kum thum sung ka Bible zilna ahon sukha mahmeh hi. Bangteng hitaleh, hiai haksathate tungtawnin sinlai manpha mahmeh tamtak ka sinkhia hi. 1. Gimthuakna, gentheihna leh haksatna ten Pathian muan ding dan, Amah a kingak ding dan leh Khrist a muanna koih dingdan ahon sinsak hi. 2. Paise san khat lel leng neilou a lungkimdan ka sinkhia hi. 3. Pathian akipan vualzawlha tampitak muhloh ka hihmanin, ginna a hin kichi omdan a taktak in ka palkha in ka muchian hi. Ka tanau-lainate, ka lawmte leh mun tuamtuam akipan panphina ka ngah hi.

Tuate tengteng tungah, Pathian limsak numei leh pasal tampite thumnate ziakin Pathian thu manpha mahmeh in nakpitakin ahon vualzawl in ahon panpih hi. Tuin, daltu om hetlouin B.Th zou ding ka hita. GBC a ka laizilna a hon chawmtu EBC Headquarters tungah kipahtu ka gen hi. Principal leh sinsaktute leh ka lawmte tungah na hon panpihnae uh, na hon makaihnate uh ziakin kipahtu kagen hi. Ka innkuante leh ka tanaute tengteng kiangah leng kipahtu ka gen hi. Pathian min thupi, tungnung leh thilhiihthei ka phat in ka pahtawi hi. Na vek ua tungah kipahtu ka gen hi. ●●●

Report PRACTICAL MINISTRY -CHAPLAIN

CHAPEL SERVICE AND

PRACTICAL MINISTRY: CHAPLAIN

1. The Joint Chapel service starts by 9:20 and ends at 10:10.
2. The Joint Chapel service was held every Monday, Wednesday and Friday
3. Ushers are taking chapel attendance of the students.
4. Every Tuesday there is fellowship for Faculty and Staff and Separate fellowship for Students.
5. All the GBC family is divided into 12 Cell Groups each led by one faculty member.
6. This cell group meets every Thursday instead of chapel service to encourage one another and pray for each other.
7. Final Year students are given opportunity to preach every semester during the joint chapel service.
8. Guest from outside are invited to share the word of God from time to time.

SUGGESTION REGARDING CHAPEL SERVICE

There will be post sermon evaluation with the homiletics

TESTIMONY

KACHE HANSEPI



I Toupa leh Hondampa Jesu Khrist min manpha in na vek un itna Chibai ka hon buk hi.

Ka Testimony gelhna ding hun lemtang ka muh manin Pathian ka phat hi.

Ka min Kachi Hansepi ahi. Karbi Anglong a EBC Mission Field a Rong-Ali khua akipan ka hi. U numei nih ka nei a, sanggam pasal ka nei kei a, ka innkuan sung uah a naupangpen ka hi. Ka din theih ma, ka pai theihma in ka pan a hon sihsan hi. Tuanung sawtlou in kum 2003 in ka nu'n leng ahon sihsan hi.

Pathian hehpihna ziakin kum 2005 in Diphu a Reformed Presbyterian Church (RPC) saptuam in a bawl tagah khoina inn ah koih in ka om hi. Huai tagah khoina inn ah kum guk sung ka om a, huaiah pawl li (Class IV) akipan pawl sawm (Class X) tan ka zou hi. Kum 2009 October 7-9 sung in Diphu ah Reformed Presbyterian Church (RPC) in Camp khat a bawl uhi. Huai Camp ah kava kihel a, Pathian hehpihna ziakin huai ah, keimah mimal Toupa leh hondampa dingin Jesu ka sang hi. Huai Jesu ka sanni Octoer 9 kei a dingin ni thupi leh poimoh mahmeh ahi. Jesu ka san nungin, ka hinkhua Pathian kiangah ka lankhia a, huai akipan Bible zil ka hong utta a, huai ahiktheihna dingin ka thum hi. Ka thumna Toupan ahon dawnga, ka khua ua missionary nnasem Missionary Vungnaihnuam in a lampi ding ahon gelsak hi. Aman kei kiangah hiai Grace Bible College ahon kawkmuhi. Amah tungtawnin leh Pathian hehpihna ziakin kum 2012 Fall semester akipan hiai ah ka zilpan hi.

Dip.Th. in ka kipan a, B.Th ka zilzom hi. Tu kum a kum 5 ka omna ahita. Kei hoihna ziak ahi hetkei a, ka tunga Pathian hoihna leh a zahngaihna ziak keleu ahi. Pathian honpina leh ahon makaihna ziakin hiai dinmun tan ka tung hi. Ka poimoh leh taksap tengteng, salam leh khalam taksap tengteng Toupan saptuam tuamtuam leh heutute leh lawmte tungtawnin ahon pia hi.

A hon chawmtu EBC HeadQuarters tungah kipahtu ka gen. Hiai kum nga sung a GBC a Fee piak ding tengteng ahon piaksak ziak un ka kipak petmah hi. Tununga ka nasepna dia hon sinsaka, hon lamhilh ka heutute tengteng kiangah leng kipahtu ka gen hi. Ka heutute tengteng in ka tungah a itna, hoihna leh deisaknate uh ahon sunbuak ziak un kipahtu ka gen hi. Amaute ziakin Toupa ah ka dingkip thei hi.

Ka zilna ka zoh chiangin, Toupan hon lemsakpih leh, mission field a sep kasawm a, ka hinkhua bittaka kikep siangthou ka sawm hi. Mission field a sep sawm kahihmanin, kuapeuh-mah in hon thumpih dingin ka hon ngen hi. ●●●

teacher along with Ministry department including the Final (Graduating) Year students.

PRACTICAL MINISTRY

1. There are two types of Ministry

Weekend Ministry and Vacation Ministry

Weekend Ministry- Every Saturday and Sunday, Students are engaged in ministry. The ministry assigned for this Semester are Hospital, Children, Rehabilitation, Evangelism and Prayer Ministry. The groups ratio are different from one another as their choice.

2. Vacation Ministry

The Purpose is to visit at least one mission field so that students may have the zeal to work among the people groups.

3. Only those who are in the Fifth Semester are entitled to Go as part of the ministry and at least two faculties are assigned to guide the students as far as practicable.

4. Preferable is one-time Ministry in a year.

Propose and Suggestion

Vacation Ministry headed by any Faculty, and Supervised by the Practical-In-charge.



Pathian Mission (THE MISSION OF GOD)

BY - DOU LAMTHANG NGAIYTE, SENIOR LECTURER, GBC

Pathian asiamsa mihingte zongin Eden huanah a vak kawi kawi hi. Tua ahihmanin, Mission ichih Pathian mission hi a, tua mission Jesu Khrist ah kibulphuh hi. Pathianin a Tapa Jesu Khrist tawnin hotdamna lampi akhung/sial khinta hi. Tua hotdamna tangthupha leitung pumpi ading ahihmanin amauta lakah puanzak ding ahi. Leitung pumpi ah hotdamna tangthupha puanzakna a taangtun theih nadingin Toupan Saptuam aphuta a sawl hi. Saptuamin Pathian' tup leh ngiim a sepzoh theih nadingin aloutheilou theih masak dinga poimawhte kikum leng ichi hi. Tua theih masak ding thute – Pathianin khuavannuai sunga a tup leh ngiim thupipen, Saptuam tup leh ngiim thupipen, leh tua Pathian tup leh ngiimte isepsuah theih nadingin theihtuak poimawh khenkhatte kikum khawm leng i chi ahi.

1. PATHIAN TUP LEH NGIIM PUMPI (The whole purpose of God)

Pathianin mihingte amah ading mahmah leh amah tawh kithuah ding leh amah bia dingin a siam hi. Mihing khialhna a apuk nungsang Pathian biakna leh phatna tunding ahihtheih nawn nadingin Pathianin hotdamna lampi a khung hi. Tua ahihmanin, Pathianin leitung pumpi hotdam ding, thilsiam tengteng tunding nawn ding a tup leh ngiim thupipen ahihihngitgetta hi (Mk.16:15-16).

Pathian missionary masapen ahi a (Gen. 3:9), Laisiangthou pumpi zong missionary laibu ahi. Laisiangthou pumpi in tup khat kia nei hi. Leitung pumpi hotdam ding, tungding nawn ding, chih thupi khat kia anei hi. Missiologist khatin Pathian tup-leh-ngiim tawh kisai hi chiin gen hi, Laisiangthou sunga mission nasepna thu khempeuh paikhia ding chi leng, Laisiangthou khempeuh pahkhiak vek a kul ding. Laisiangthou pen Pathianin mihingte a zonna ahi a, leitung sabiak laibu dangte ahih leh mihingin Pathian a zonna ahi. Tua Pathianin mihingte hong zonna thu Genesis akipana Kilakna dong a phak masiah kimlou hi achi hi. Tua ahihmanin mission ichih Pathian tup leh ngiim thupipen ahihihngitgetta hi.

Pianchilna (Genesis) bung khatna ah thilsiamna imu a, bung thumna ah mihing khialhnaa apukna leh Pathian mahmah in mi mangte azonna thu imu hi. Huchiin Pathianin Hotdamna lampi tangtaw a gelsa-a ompon

ahong sempanta hi. Tua hotdamna lampi bulpi dingin Pathianin Abraham asama, atungdinga, Abraham tungtawnin Israel atungding nawna, huchi in Thukhunlui ah, hotdamna kalbi masa ana khungzou hi. Ahunbi ahong kimin (Gal.4:4), Toupa Jesu Khrist mah mah leitungah hong kumsuk in tatna na setden dingin ahong bukimsakta hi (John 19:30). Tua hotdamna thukhun, Jesu Khrista omta pen, thilsiam tengteng laka puangzak dingin Saptuamte mawhpaukna ahong guan hi (Mt. 28:18-19; Mk.16:15). Tua mohpuakna pen Saptuam napi ahong hi a, tua mohpuakna sepkhiat ding ei gingtute leh Saptuamte khut ah kingata hi. Tua ahihmanin, tuin, Pathian lungtang isukkhak theihna omsun ahihlema' tup leh ngiim pipen, mimangthangte ama' khebul a piilutna takah ahi hi (Luke 15:7, 10 "Belam mang leh Dangka mang").

2. SAPTUAM TUP LEH NGIIM PUMPI

Tu Thukhunthak hun ah Pathianin, Saptuam, Israel thak (Zuthak leh zuthawl thak/ New Wine in New Wine Skins) tungtawnin a tup leh ngiim a seem lellel hi. Thukhunlui hun a Israelte a zat bangbangin thukhunthak ah Saptuam a zang hi. Tua ahihmanin, i Saptuam thilgeelte leh sepkhiat tup leh ngiim leh budgetten tua nna a sukha hiin ithei hiam, chih kidot tuak mahmah khat ahi hi.

Saptuam pen Jesu Khrist ngeingein a phuhkhiat ahi (Mat.16:18). Jesuin, Saptuam bangsem dinga a phuh ahi? Bang mawhpaukna a pia a? Saptuamte khualakah kuankhia-a (Mt. 28:19-20; Nas.1:7-8) mimangthangte Pathian kumpi gamsunga a pilut theih nading un Pathian kumpi gam chabi (key) apia hi. Tua ahihmanin, Saptuam mohpuak thupipen ahihlehangtangte zonga, Pathian kumpi gamsunga piilutna nna ahi hi. Saptuam napipen saptuam memberte khantouh nading thute kia hiam, ahihkeileh Saptuam kivaipuaknate (administrations) kia hiam tawh kisai hilou hi. Himahleh hatlou leh zawngkhalte tuamdamna nna leh mimangthangte omnate, omdante, kansuia, theia, Pathian kumpi gamsunga piilut ding ahi hi. Huchia Pathian kumpi gamsung mi hihna nei masasa kuankhiaksak ding, a 'circle' tawptheilou nna ahi hi. Tua ahihmanin mimangthangte omna mun mun leh omna gam gamah Saptuam napi om ahi chihna ahi. Saptuam nadang tengtengin (eg. Mis-

sion, Institution leh Ministries department projecten) tuabang tup leh ngiim asepzoh nadingin pan alain, aphungvuhin, a pang ahizaw hi. Saptuamin piangthakloute tunga a mohpuakna azoh danzilin leh gingloute Pathian khebul a apii zoh danzilin; Saptuam ahatin a khangtou zel ahizaw hi. Saptuamin mangthang i mat zohlouh tawh kituak in ki hatlouin kikhanglou ding hi.

3. PATHIAN TUP LEH NGIIM SEP-SUAH THEIH NADINGA THEIHTUAK KHENKHATTE

Tua ahihmanin, Saptuam khangtoua a napi mission nasep hat taka asep theih nading a theihtuakte kikum leng ichi hi.

3.1. Saptuam leh Pathian Biakna (Church and Worship)

Mihingte khelhna a apuk masiah Pathian biaknai hun kizang hi. Tua banga Pathian biakna tunding ahih theih nawn nadingin Toupa Jesu Khristin ama hinna tawh hotdamna lampi hong sial hi. Tua hotdamna semzom dingin Toupa Jesuin Saptuam a phut hi. Tua ahihmanin, Saptuam napi khamangthang matna nasep ahi hi. Tuhun pen khamangthangte Pathian kumpi gamsunga pilut nahun hi a, kuankhiai hun ahi hi. Khatvei chiangin Mission abei ding hi. Tua hun chianga michih vantung gamsunga Pathian biakna a akihel theih nading un Saptuamin mission nna a sem hi. Tua ahihmanin, tu hun pen Saptuamin mission nasep sanga poimawh masazaw omlou phot hi.

3.2. Khialhna leh Mialna omna peuh ah Mission om hi (Wherever there is darkness and Transgression there is God's Mission)

Pathian' Mission ah innuga leh gamgua omlou. Mial omna peuhmah leh Khialhna omna peuhmah mission field ahi. Saptuam lak, eimi lak, namdang lak, gamdang lak, chih omlou hi. Khristian tampiten gamdang leh namdang laka kuankhiate kia mission nasem sakha uhi. Tua (concept) ngalhdanin Saptuam mission thei buaisak (confuse) hi. Bangziak hiam ichihlehangtangte Pathian mission khamangthang leh mial omna peuhah om hi. Tua ahihmanin, Saptuam member ana hita himahleh apiangthaknailoute nangawn saptuam member himahle uh, Ralph D. Winter in mission field chi in E-scale tungtawnin a taklang hi. E-scale ichih Saptuamin Mission nasepna a kizatna Evangelism-tehna chihtheih hi. Pathian vahawmna (God's rule) mimal hinkhua hiam ahihkeileh mipse hinkhua hiam akiatloluhna khempeuh mission field ahi.

Missiologist Ralph D. Winter, E-Scale tungtawnin Mission/tangthupha puanzakna pen anai leh gamlat thu hizaw ahihdan hilhchian

CONT'D. ON NEXT PAGE

a, eilak leh milak chih omlou hi. Tua ahihmanin, Saptuam sung leh pua, eisung leh milak, gamsung leh gampua ah akibangin mission field om ahihdan a hilhchian hi. Mission nasepna E-scale te ahihleh—E0 = Eima' Saptuam sunga Saptuam Khris-tianpih leh tawndan kibatpih himahleh piangthak nailoute laka thangthupha phuanna pen E0 achi hi.

E1 = Saptuamin tawndan kibatpih himahleh Khristian leh Gingtu hinailou himhimte laka tangthupha phuanna E1 achi hi.

E2= Saptuamin tawndan tuam gingloute laka tangthupha phuanna pen E2 achi hi

E3= Saptuamin tawndan kigamlapi gin-gloute laka tangthupha phuanna pen E3 achi hi

Tua ahihmanin, Evangelism-0 apatin Evangelism-3 (E0 to E3) kikal mission nasepna ngen ahi hi. Evangelism E0 apat E3 kibat-louhna ahihleh mission field culture nai leh gamlat thu lel ahizaw a himahleh apoimawh-dan kibang vek ahi hi. Saptuamin mission nna isepna ah, evangelism culture khat sanga culture dang ngaihpoimawh zawk chih Toupa Jesu thupiak tawh kituaklou hi. Mission field culture E0 akipat E3 tengteng akibang a ngaihpoimawh ding ahi. Tua ahihmainin, Culture khat or Munkhat nelhsiaha, mungdangkhat ingaih poimawh sawmleh sepkhaklouh, nutsiatkhak om ding hi. Jesu thupiakna ah, "Jerusalem, Judea, Samaria leh Kawlmong phain" chih ahihmanin, i mission nasepna ah culture tengteng akibangin asukha vek ngeingei ding ahi.

Tua ahihmanin, saptuamin a nasep khempeuh: sawm-a-khat akipan missionary vakna, antang pham, leh thilpiak tua-muamte aveka Saptuam napi sepna ding ahihdan itheihchiatsa himahleh theihchian thak poimawh mahmah hi. Mission nasepna pen culture dangte laka nasepnate kia isak manin Mission nasepna igen chiangin Saptuam nna atuam bik bangin kikoh khanak hi. Hichibang ngaihdanin Saptuam napi mission nasep ahihdan hong theibuisak gige hi.

Local Saptuama i thilpiak tuam tuam ten E0 apat E3 a semkha ding ahi. E0 category sung ngaihsakloupi a, E2 leh E3 peuh uangtakin semleng I mission nasepna 'imbalance' hi ding hi. E0 apat E3 chiang aki 'balance' in isem kha hia? chihte ethak poimawh mahmah hi. Bangziak hiam ichihleh khamangthang zonna leh matna him him mission ahi chih phawkthak poimawh hi. Local Saptuam department chihin thilpiak tuamtuam ineihte leh project ineih teng khamangthang matding ngiimna ahivek masa peuhmah phot ding ahi. Tua bang lungput Pathian lungput ahihmanin, mission nasep-

na enthak ni.

3.3. Hotdamna Mahni phattuamna ding leh vualzawlina ding kia hilou, piaksawn dinga hong kipia ahi. (Salvation is not for self service and blessing but for all)
 Khristian Sahkhua pen "Self Service" sahkhua hilou. Toupa Jesu Khrist nang mimai vualzawl nading, hamphat nading, Khantouh nading, hoih nading kia a hong hotdam hilou hi. Hotdamna Tangthupha bel miteng teng ading ahihmanin, miteng kiang ah piak sawn teitei ding ahihmanin eisung kia kipoimawh ngaih chih omtheilou hi. Hotdamna Tangthupha nang leh kei a khawlthei ahih louhmanin, ei apan apaisawn ding, i piak sawn ngei ngei ding saptuam mawpuak ahi. Tua pen Toupa Jesuin Saptuam aphuh nasan bulpi pen ahi hi.

Laisiangthou sung pumpiin mihingte tunding ding mah agen pipen ahi hi. Tuamah sepkh-iat nadingin Jesuin Saptuam a phut hi. Tua ahihmanin, i Toupa Jesu Khristin nang ahong hotdam leh, leitunga na damlai siah, tua Pathian tup leh ngeim sepna a na kihel theihna ding hi a, na hotdamna nang mimai nopsak na ding kia himai lou hi.

3.4. Saptuam Khanna Dik Tehna (Biblical measurement of Church Growth)

Laisiangthou tawh kituaka saptuam hat leh hatlou tehna leh khangtou leh khangtoulou tehna diktak ahihleh khamangthang amatzah ah kihisap hilel a, hisapna dan dang tengteng Laisiangthou leh Pathian hisapdan tawh kituaklou hi. Saptuam khanna mihing hisapdan (calculation) dang om theite hic-chibang ahi:

3.3.1. Sum leh pai, neih leh lamh a khanna, khanna bukim hilou.

3.3.2. Muhtehiha saptuam member khanna/punna: Local Saptuam member kibe-hlap nasan Pathian lunggulhna, Pathian biaknopna leh Pathian nna sepnopna ziak ahihkeileh khanna bukilmou hiding.

3.3.3. Infra-structure/biakinn leh buildingte a khanna ichihte khanna bukim hilou ding

3.3.4. Kivaipuakna dan kiptak feltaka zui-

thteihna ichihte khanna dik hipahlou ding

3.3.5. Pilna siammate leh muhtehiha khan-touhna ichihte khanna dik hipahlou ding. Bangziak hiam ichihleh Saptuam hi seselou, organization khat peuh zong, paidan leh kipii dan feltak neite Pathian tawh kisai kha sese lou in zong nakpitakin khangtou uhi.

3.5. Saptuam khangte ah Michih mission nasepna ah kizang uhi. (Lay participation results in Church Growth)

Saptuam khan taktaq nadingin movement kisam hi. Movement om theih nadingin michih mission nasepna ah akihel ngei ngei ding ahi. Tua nasepnate, aneulua hi-

am-lianlua hiam; amawllua hiam-thupilua hiam chih omlouin Saptuam khangsak hi. Mangthangte zonga kalsuan zoute hitaleh, kalsuan zouloute hitaleh, anihtuak tuak un akibangin, mimangthang veina leh thilpiaka isekte tengteng ahong kigawmkhawm chingang Saptuam khangsak hi. Akuankhiate leh thugen theite kia khamangthang man hi zenzen louin, gampua-a pangkhate leh Pulpit tunga thugente leh tuabanga kuankhiatha leh thugenna aom theih nading a pangkha peuhmah, akikimin khamangthang matna ah kihelkha ihi uhi. Mi pawlkatten bel Missionary kuankhiate leh pulpit tunga thugente kia khamangthang man sa kha thei uhi. Ngaih-dan bukilmou ahi. Khatvei Evangelist khatin Saptuam member khat kiangah, "Mimalin Khamangthang naman hiam? chi in dong hi. Huchiin, Saptuam memberpihan dawnga, "Kenzaw khamangthang man ngeingei dinga thuumna leh thilpiaka nakpitaka pang hiinga, ka pannaten khamangthang a matkei lebel nang na mohpuakna zoulou hiding na hi. Tua ahihmanin, nang khamangthang naman hiam?" chi in leh dot hi. Saptuam memberpa ngaihdanin bel, Evangelist pan ama' ziaka thu genthei ahihmanin, Evangelistpa' khamangthang mat teng ah amah zong kihelkha ahi chinuam ahi. Alehlamah Evangelist pan bel tuate ama' kia a khamangthang man bangin ki ngaihtuah hihtuak hi.

Tua ahihmanin, iseptheih nazahzah, sepehieh dandan, sepehieh nalamlam ah mission isem hi. Tua inasepna ahong kigawmkhawm vekchianga, Pastor, Missionary, Evangelist leh teacher tein pulpit tung hiam ahihkeileh, mission field hiamma thu hong genthei uh, huchiin khamang thangte hong kimanhei uhi. Thugen pen kia hiam, akuan pen kia hiam, khamangthang man hi zenzen louin, thugen theihna leh kuankhiat theihna a omtheih nadinga poimawh saptuam mipite kihi masa zawmah ahi. Saptuam michihin iveka i hong pankhawm chiangin khamangthangte hong kiman hilel a, eiten pan ilaklouh chiangin khamangthangte kimanlou hilel hi.

Alanglamah ngaihtuah leng, hichibanga khamangthang matna igen laia theihtuak poimawh mahmah ahihleh, thumna tawh hiam ahihkeileh sum thawh tawh hiamin Pathian na kisem leh baihlam zaw in nuamzaw in teh, chih ngaihdan na neih zenzen leh ngaihdan bukilmou suakzel ding hi. Nang-pa/nangnu, Upa ding hiam, Evangelist ding hiam, Missionary ding hiam, Pastor ding hiamma Pathian sapna theichian nipa, Jonah banga nang lemgel siamma zanga, thumna (prayer) leh sumthawh tungtawin Pathian nna ka sem ding na chih vial leh Toupan, na Pathian nasepte hong pomsak mahmah lou

ding ahih chih theihtel hoihjel hi.

Tua ahihmanin, Saptuam khangte ah michih in ahihtheih lamlam chiat ah pangin mission nna semchiat uhi. Huchiin, Saptuam hong khang thei hi.

3.6. Saptuam mission khanna dingin Pastorin Saptuam kemtu ahihdan akitheihchian ding ahi(Pastor must be accountable to local church mission and ministry for growth).

EBC Lamka North Division khua khat a misi vuina program ah, Pastor thugen pan hichiin gen hi, "Kei hiae local Saptuamin tuni chiang dong hoitakin na hong kem ua kipah huai kasa hi" achi a, tua local saptuamin amah akepdan tampi agenbeh lai hi. Local Saptuam kemtu kua? Local Saptuam committee leh memberte maw! Pastorte? Ngaihtuah thak poimawh hi. Saptuam nasepte leh Pastor ten Saptuam kmlou a, Saptuamte kep ding peuh a posting na mun khawng a om ihih mawk leh abuaihuai lam kih peuhmah ding hi, chih ngaihtuah huai mahmahta hi. Pathian deihna banga Saptuam khang ding, mission nasepna akhan ding i lungguluh leh Pastor heua Saptuam kep ding ahihdan Pastor mahmahn a theihthak poimawh a, tua ding maha kisak thak poimawh hi. Tua mah bangin Local Saptuamten zong Pastor kemtu peuh ikisak laizang leh Saptuam khanna ding doudal khathei ahihmanin Saptuam kemtu theihthak poimawh hi.

Local mission nasepna tawh kisaia ngaihtuah thak poimawh mahmah ahihleh, Local mission committee leh Local Pastor kizopna ahi. Hun tampite ah Pastor leh mission committee kithuzaklou leh Pastor piina nu-aia mission vai kisailou ahihdan achiang huntawk mahmah hi. Aziak ahihleh Pastorte mission lungloulou ziak uh hia? ahihkeileh mission committee ten Pastor a consult tawm ziak uh hiam hiding hi? Bangteng hileh Saptuam mission hat nadingin Pastor leh mission committee aki thuzak ngeingei ding uh ahi a, Pastor piina tawh mission nna sepding ahi hi. Alehlamah, local Pastor tampite mission ah lunglut lou uh ahihmanin, local mission committee amau leh amau ki khudot a mission nna sem tampie ki om zel hi. Ngaihtuah thak ni.

3.7. Mission Ichih Political and Cultural Expansion Hilou hi (Mission is not political and cultural expansion)

Saptuam pawlkatten mission leh politics ahong polh chiangun social gospel khawng mission hisak kha uhi. Mission ichih tawndan kekletna zong hituansamlou hi.

Imphal a Presbyterian Mission fieldah, missionary tein (Meitei) gingtu masate, amau

Mizote pau, tawndan leh paidan sinsakin, Mizote tawndan banggeih mission field ah patkhat sawm uhi. Tu chiangin, tua mission khangmong sim hi. Khangmong sim kia hilouin kiamsuk suk uhi. Hichibang mission nasepdaan tawh kisai Hendlund in hichiin ana gelh hi,

From the Meitei in Manipur the complaint is heard that missionaries from Mizoram impose their Mizo culture upon the emerging Meitei church. Elsewhere it is charged that South Indian missionaries bring Tamil culture to the tribal churches in Gujarat.

Bangziaka, tua missionary field hong khangmong sim ahi dia? Ngaihtuah him him lehang, missionary khat leh nih cross-culturala vakuante in bawn, mission fielda a mite pau, tawndan leh kivaipuakdante vazuih haks a sak uleh, amaute tengteng ei tawndan leh kivaipuakdante zuihding chihmawk haks a zintham ding mah ahi hi.

Tua ahihmanin, Mission nna isepna a iteih dinga hoih mahmah bang hiam ihih leh "Christian Culture" kichi omlou ahi chih iteihchet ding uh ahi. Juda Khristiante tawndan (culture) amau tawndan (culture) mah hi a, English Khristiante tawndan Engliske tawndan mah hi a, Korea Khriatianta tawndan amau tawndan mah hi a, ei tawndan (culture), ei-a mah hi a, hinapiin iveau Khristian diktak ihi uhi.

3.8. Mission i chih "SYNCRETISM" ahihlou bangin "ASSIMILATION" zong hiloua, "ECCUMENISM" zong hituanlou hi (Mission is not Syncretism, Assimilation and Eccumenism)

"Syncretism" (1 Kings 11:4; 16:21-17:1) ihih chiangin sahkua a gindan chituamtuan khenloua biakkawmna ahi. "Assimilation" ihih chiangin sahkua tawh kisai kia hilou, tawndan, paidan, hindan akibangloupit gawmkhawmna pen assimilation kichi hi. Eg. (Proselyte) Judah phungkai. Jesu Christin a dem hi. "Eccumenism" ihih chiangin Saptuam pawl tuamtuan leh sinsakna tuamtumate kigawmkhawmna Pawlpi khata dinding lunggulhna leh tupna pen 'eccumenism' kichi hi. Tuate tengteng Saptuam nna hiam Mission hiam hikhalou uhi.

EBCin tuni dong Saptuam napi mission mah ahi ichi theilaia ahoih hi, himahleh mission nasepna a ihatsem theih nadingin anuaiah thu tamlou gen ni.

4. EBC in PATHIAN DEIH DAN A MISSION NNA A SEPKHAK TUNI DONGA I KHAN- PIH ULEH PHATTUAMPIHTE UH

4.1. Gingtu tengteng Siampu ihihna Poimawh Ngaih (Take the concept of "Priesthood of all believers seriously")

Pastorte Saptuam kemding a ordain himahleh gingtu tengteng zalentakin Pathian nasepna, mission nasepna ah iki helvek uhi. Pastorpia Saptuam leh Pathian kala palai ahih bangin gingtu tengteng Pathian leh mihingte kala palai ihi hi. Huchiin Suria (Syria) a om Antiock Saptuam leh Rome Saptuam phutte zentel gingtu nautang khat mai ahi uhi. Pathian nasepna, mission nasepna ordain Pastorte kia in sep ding hileh EBC local Saptuamte a puk tami omra dinga, a pukloute nangawn zawngkhal takin khosa ding uhi. Gingtu tengteng Pathian nasepna, akua ading hituanlou ahihla theia, ihihtheihna lamlama i pankhawm manin tuni chiang tungthei ihi chih ithei hi. Hichibanga Pathian nasepna tawh kisai a ngaihdan dikin (Priesthood of all believers) Saptuamte ahong chawmdan leh ahong khantouhsak dan anuai abang ahi.

4.1.1. Saptuam michihin Khamangthangte tunga mawhpua kna neia kitheihna omsak
(A sense of responsibility towards the Lost Soul). Tuni chiangin, Saptuam member chihin hichibanga khamangthangte tunga mawhpua kna ineihte ngaihzamna omra mahleh, atuunglai apanin, gingtu michihin, khamangthangte ana veiin, ana zong uhi. Huchiin, Saptuamin nakpitakin khanphah ahihmanin tuchiang chiang itung thei hi. Saptuam ikhantou theihlai nadingin, khamangthang matna ah michih ikihelsak thak kalpi masa leh poimawh khat ahi.

4.1.2. Tangthupha phuanzak nopna leh kilawpna omsak.

(A conviction to preach the Gospel) Atunga igen tawh kinai sim mahleh mission nasep ihih kuankhia taktak leh kuankhia theih nading a panlakna tawh kisai deuh ahihmanin atuam deuhin igen hi. EBC lohchinna thuguk khat ahihleh Tangthupha phuanzak lunggulhna leh kilawpna gingtu nautangten aki neihman ahi hi. Saptuam kipat tunglaui, khamangthang veina nasatak omin, Oswald J. Smith laibu gelh, "Khamangthang mat dingdan" chihte bang eipau-a letin mitengin khamangthang vei uh ahihmanin, tua banga Tangthupha phuangzak nopna/kithalawpna-tein EBC chawmtou touin tuni chiangdong tungthei ihi hi.

4.1.3. Saptuam Keia ahi chi-a NEITU hihna kiphawksak

(A sense of ownership of the Church). Convention Saptuam khanna thuguk khat ahihleh, Saptuam michihin Saptuam kei a ahi, chi-a NEITU hihna thuktak chi kituh ahi. Saptuam khang hen ihihleh Saptuam member chihin Saptuam neitu hihna CHII kiptaka TUH ding ahi hi. Tubangin zong khuapi Saptuam inei zeuhzeuhta uh a, Saptuam neitu hihna nei zoulouten Saptuam subuai uhi. Tua ahihmanin, neitu hihna poimawh mah-

CONTD. ON NEXT PAGE



mah a, Saptuam neitu hihna neizouloute neitu hihna neihsak Saptuam khanna dinga kalbi poimawh mahmah khat ahi hi. Eilakah Saptuam hatna thuguk khat ahihlel, michihin Saptuam it mahmah ihihman un Saptuam khangtou theilai hi.

4.2. Gingtu Nautaangte Tangthupha phuanzakna ah nakpitakin kihel sak (EBC engaged Lay members to task/evangelize). EBCin 'priesthood of all believers' a gintak dungzuiin gingtu nautangte Tangthupha genna adinga nakpia kizatding ngai-poimawh kia hilouin tuabanga semdingin ki hanthon zomah ihi. Roman Catholic Saptuam leh Saptuam tampiten Saptuam member nautangte kizangsaklou uh a, akizatna ding uh zong kulmut takin bikhiahaks (limit) uhi. EBC in bel Pathian nasepna, mission nasepna ah minautangte nak pitaka kizat ding deihsak ahihmanin, tuain Saptuam amah leh amahin khangsaik hi.

Adiktakin genleng, EBC sunga Gingloute veina taktak, kua theiphak khollouh, Jeribam lamapat hong kipanin, Hiantam Lamka EBC Saptuam nautanglak hong kilohtouin, huchiin Saptuam pumpia missionary nasepna ding kong zapii hong kihong thei hi. Tuabang lunglutna leh veina pen Pathian deihdan mah ahihmanin, Saptuam heutute mahin ana khaam hetlouin zalentakin amaut'e khamangthang veina ana pompih thei ahihmanun EBC Saptuam tu-a itun nachiang tungthei ihi hi.

Evangelical Baptist Conventionin kum 1965 vel apanin missions nasep ana pan hi. Tua huna kipan EBC Saptuam pumpiin Mission kichi pen Saptuam DNA/sisanin ana neita hi. Mission nasep kichi pen tuni chiang dongin EBC sisanin omdenta hi. Tua ahihmanin, tua "legacy" i sunzomtou zel uhi. Pathian lungtang deihna isukkhak theihna omsun mangthangte Pathian kumpi gam sunga pii-lutna nasep ahi. Pathian lung tuak phot phot leng i poimawh tengteng Toupan hong piak behlap ding ahi, chih Laisiangthou sungah thuchiam muanhui mahmah ahong chiam hi. Tua mission seem dingin tuni in takkheh! chi in kipanthak ni.

THUKHUPNA

Thu tampi igente mission nasep hong kipat-dan leh tua mission semtu dingte tawh kisai atangpiin igen masa hi. Tua banah, mission nna isepna konga ngaihdan sutzop tuak leh sutzoptuaklou pawlkhat zong igen a, Saptuam khanna ziak leh akhan sem nadinga poimawh ●●●

Brief Report 2017

THUMASA:

Pathian pina toh Grace Bible College masawn in paitouzel a, tuni chiang in kum 36 mel bang mutheita i hihman in Toupa'min i phat hi. Anuai ah report tamlou i taklang ding:

TUKUM A GRADUATE DING:

Tukum December 5, 2017 in Graduate thei ding hiai bang ki om hi

Master of Divinity (M. Div) = 08

Bachelor of Theology (B. Th) = 25

Diploma in Theology (Dip Th) = 09

**(MTC Graduate theiding te October tan a Assignment zoute banah Seminar (Dec. kha a kinei ding a) tel te hiding ahihman in, tu in kithei chiang nailou hi)*

SINTU NAUPANG OMZAH:

ATA/VET deihna bangin sinding naupang admission kumkhat in khatvei (July kha in) kibawlta ding hi.

Tu in sintu naupang 124 (64 Hostellers & 60 Day scholars) leh Ministerial Training Course (MTC) a sin 196 = 320 kinei hi. Amaute Myanmar, Assam, Arunachal Pradesh, Nepal, Nagaland, Mizoram leh Manipur a kipan ahi uh.

LIBRARY ROOM EXTENSION:

Library Hall kidaih zoulou sakna omziak in Library Extension Main Building top floor ah Rs. 27,49,308/- bei in kibawl hi. Tu in Naupangte laisimna kidaihzaitak neih hita hi. Thupina Pathian i pia hi.

FENCING PROJECT:

Kum 2015 akipan Fencing Project i neih uh deihskatu mimal leh pawlpi tuam tuam i pankhawmnate uh ziak in nna kisemtou in, tuni tan in i thohkhawm te uh Rs. 38,16,852/- seng in zohkhiak hita. Pathian kiangah kipahtu i gen hi.

NAUPANG CHAWMNA/HUHNA:

Naupang chawmna chi nih (2) om a khateng a Rs. 500 leh atunglam piak leh alom a ngapzah piak in pantheih gige hi. Khateng a Rs. 500/- pete "GBC A SINTU NAUPANG CHAWMTU" in kichiamteh hi. (vide. 172 BOG, Res. No. 4 dated Dec 5, 2015 & 173 BOG Res. 5 dated January 6, 2016).

Tuni tan a naupang Chawmna bawl/khateng a pia mi 80 kiphata hi. Huchilou a pawlpi/mimal apan Naupangte huhna

GRADUATE KHE ZAH (1981–2016)

PROGRAM/DEGREE		
1	Certificate of Theology (C.Th.)	81
2	Graduate of Theology (G.Th.)	73
3	Diploma of Theology (Dip.Th)	51
4	Bachelor of Theology (B.Th)	363
5	Bachelor of Biblical Studies (BBS)	1
6	Master of Divinity (M.Div)	303
7	Master of Theological Studies (MTS)	10
8	Master of Ministry (M.Min)	1
9	Ministerial Training Course (MTC)	379
10	Training Certificate Awarded	11
	A GAWM IN	1,273

MEMBERSHIP PANTHEIHNA TTE:

GBC a member suahtheihna tuamtuan te leh, tunitan a intek leh deihsaktu neih dan hiai anuai a bang ahi:
(as of 22 March 2017)

PATRON	
Special Patron @Rs. 10,000/-	151
apan atunglam pete	
Group Patron @ Rs. 5,000/-	97
Individual Patron @ Rs. 2,000/-	1,419
Life Member @ Rs. 1,000/-	569
Memorial/Anniv.Gift @ Rs. 500/-	370
Annual Member @ Rs. 100/-	32
TOTAL	2,638

pia leng tampi om hi. April 2016 akipan tuni (22 Mar 2017) tan in Rs. 5,82,674/- kimu hi. Hiaite ziak in sintu naupang fee pezoulou tamkhop awnghutu in omthei hi. Hiai Naupang Chawmna toh kisai Tu-alsung Saptuam toh naktak a sepkhawm poimoh sakna om ziakin GBC min a Saptuam vehna kinehtouh zel hi.

Mailam hun ah i Bible College thumna ah phawk tou zel in, Thilpiak, thumna leh awlmawhna tamsem toh tualsung saptuam leh mimal mal te'n kithuahpihna khut taklam pia in semkhawm ni chi in ka hon ngen hi.

CHINKHENTHANG GUIYE
Registrar, GBC



ACADEMIC CALENDAR, 2017

MONTH	DATE	DAY	EVENTS
Jan	26	Thu	Republic Day
	27	Fri	Arrival of returning students/Hostel Opens
	30	Mon	Opening Service and Registration of Subjects
	31	Tue	Day of Challenge
Feb	1	Wed	Commencement of Class
	24	Fri	Last Date for Sub. of Thesis Proposal
April	14	Fri	Good Friday
	21	Fri	Memory Verse Examination
May	7	Sun	Missionary Day
	11-12	Thu-Fri	Comprehensive Exam
	19	Fri	Last date for Submission of Thesis
	22-26	Mon-Fri	Final Examination
	29	Mon	Hostel Closes
July	2	Sun	GBC Day
	18	Tue	Last Date of submission of Admission Forms
	19	Wed	Checking & Screening of Applications
	20	Thu	Entrance/Qualifying Exam of New Applications
	21	Fri	Personal Interview of New Applicants
	24	Mon	Hostel Mess Opens
	25	Tue	Last Date of Admission without fine
	25	Tue	Registration of Subjects
	26	Wed	Semester Opening & Orientation
	27-28	Thu-Fri	Students Revival Meeting
Aug	01	Tue	Commencement of Class
	04	Fri	Fresher's Meet
	15	Tue	Independence Day
	16	Wed	Last date for submission of Thesis Proposal
Sept	27-29	Wed-Fri	College Annual Sport & Prize Distribution
Oct	02	Mon	Mass Social Work
	12-13	Thu-Fri	Comprehensive examination
	27	Fri	Bible Memory Verse Examination
Nov	01	Wed	Kut
	17	Fri	Last Date for submission of Thesis
	20-24	Mon-Fri	Final Exam
	28	Tue	Farewell cum Advent Christmas
Dec	05	Tue	Graduation Day
	07	Thu	Hostel Mess Closes
	12	Tue	Due for Grade Reports

Report from
CHAPLAIN & PRACTICAL
MINISTRY 2017

Tutung Spring Semester Toupa honpi dan...

January 31, 2017 zing dak 10 in Day of Challenge kinei hi. Hunmasa Chaplain makaiah a, Rev. Dr. Luachinthang in Day honna nei hi. Rev. Gimnalsawn, *Director of Social Development* in Challenge Hour nei in, Unaunu Chingngaihlian in Pathian phatna la siamtak in sa hi. Tuazoh in Sir Lalboi Kilong in thumna nei in hunmasa nuamtak in kizang zou hi.

Session nihna Dak 12:30 in kipan a, tua hun ah Madam Khawbiakching in makaiah in thumna hun in kizang hi. Huchi in nitaklam in Academic Dean Elder Doulamthang in thumna toh Day of Challenge khakna nei hi.

Biakna/Devotion neih dan tangpi

Niteng in Biakna (Devotion) zinglam dak 9:20 in kinei gige a, dak 10:10 in kizou zel hi. Joint Devotion Seppatni, Nilaini leh Sintawpni te in Chapel ah kineikhawm in, hiai hunte ah thugentu ding in sinsaktute, graduate dingté banah khat veivei mundang akipan mi kichial zel hi.

Sepnawnni teng in faculty/staff leh Student ten atuam tuak in devotion kinei hi.

Ningani teng in ahihleh faculty/staff leh Student te pawl/group 12 mi 10 khong a kikhen in room tuam chiat ah thumkhawma hun kizang gige hi. Hiai in atup tampite lak ah- khat leh khat kithum-pih tuah, sharing neikhawm a mimal haksatna ki phawkphii leh Khrist khebul a kitutpih ding chih te ahi. Ki phattuam pih mahmah chih ding ahi.

Joint Devotion ka neih chiang un final year student te thugenna piak hideuh zel uh. Hiai in atup Pathian a dia kitathiam ding chih ahi. Path-

ian ompihna toh siam thei mahmah uhi.

MINISTRY TOH KISA TOMKIM

Ministry sehnih in kikhen hi. Nipikal tawp (weekend) Ministry leh Khawsung (Vacation) Ministry ahi.

WEEKEND MINISTRY

Nipikal tawp nnasepna ah-hleh Kiginni teng leh Nipini teng in student te Pathian thugen in vak uhi.

Ministry 4 in kikhen a, Hospital, Rehabilitation Centre, Evangelism, leh Prayer Ministry ahi. Hiai report ka piak tan in ministry ah kipai lellel hi.

VACATION MINISTRY

(Khawsung nnasepna)
Hiai pen khawsung a field exploration nei a student ten mission lungput hon neih ua, missionary tamsem hong pian theihna dia kisawm ahi. Kum teng in Studentte vacation ministry a pai uh, a hoih a, i hampha uhi. Hiai vacation ministry pen College in naksem a panlak a, work plan leh strategy bawl a mission field a khat bek a naupangte sawl a mission lungsim leh missionary utna lungsim nei le uh chih deihna ahi. Hiai din naktak a pan ki la lellel ahi. ●●●

ADMISSION NOTICE

Pathian thu sinnuam, piangthak leh Pathian sapna tangte a dingin admission form anuai a Course te a ding in hawm khaik ahi. Thuchian zaw Office ah muh theih gige hi.

PROGRAMS	DURATION	QUALIFICATIONS
M. Div	Secular Graduate te a dingin kum 3; ATA/Senate of Serapmore nuai a B.Th Grade 'B' a zoute a ding in kum 2.	Secular Graduate or B.Th ATA/Serapmore nuai a zoute.
B. Th	Kum 3 sin ding	Class XII zousa hiam Diploma in Theology zou sa
Dip Th	Kum 2 sin ding	Class X zousa te.
MTC	Kum 2 sunga zoh di	Class VIII zousate deihtuam bik ahi.

Lunglutna neite a dingin Admission form May 2017, a pan Office ah hiam GBC Website www.gracebiblecollege.in ah amuh theih ding hi. Ngetna form bukum July 18, 2017 tan in College ah piaklut ding ahi. July 20, 2017 in Admission Test om dia, July 21, 2017 in personal interview om ding hi.

A poimoh mahmah te ading in Hostel leh Partial-Scholarship a om thei hi.

Sd/- Chinkhenthang Guite, Registrar